

www.BibleForChildren.org



उत्पत्ति 6




नूह को कुल यो हइ नूह धर्मी इन्सान
अरु अपना नूह टेम का इन्सानहोन
मे सच्चो थो; अरु नूह परमेश्वर ही
का साथ-साथ चलतो न्हियो. अरु
परमेश्वर ने पृथ्वी पर जो नजर करी ते
का देख्यो कि वा बिगडी गय हइ;

क्युकि सब जनवरहोन
ने पृथ्वी
पर अपनो
पनो चाल


चलनबिगाडी
लियोथो.




तब परमेश्वर ने नूह से बोल्यो, "सब जनवरहोन
खे खत्म करन का सवाल मरा सामने अय गो हइ:
क्युकि ओका कारण पृथ्वी उपद्रव से भरी गय हइ,
येकालिये मि उन खे समेत खत्म करी डाल्यु."



“येकालिये तू गोपेर झाड की लक्कड को जहाज बनैय ले,
ओमे कोठरीहोन बनानु, अरु अंदर बाहर ओका
पर राल लगानु.”




यो ढंग से तू ओ खे बनानु:
जहाज की लम्बाइ चार सौ
पचास फिट अरु चौडाइ
पंचातरफिट, अरु उचाइ
पंयतालिस फिट की हो.



“अरु भाँति-भाँति का पदार्थ जो
खाया जास हइ, उन खे तू लि खे
अपना पास इखठ्ठा करी रखनु;
जो तरा अरु उनका भोजन का
लिये हुये.”




अरु सब जिन्दा जनवरहोन मे से, तू एक एक जात का दो-दो अर्थात
एक नर अरु एक मादो जहाज मे लि जैय खे, अपना साथ जिन्दो
हेनु.




सब जात मे शुद्ध जनवरहोन मे से तु सात जोडनु,
अर्थात नर अरु मादी लेनु: पर जो जनवर शुद्ध नी हइ,
उनमे से दो-दो लेनु अर्थात नर अरु मादो.






नूह अपना बेटाहोन
लूगयहोन अरु बहुहोन समेत,
जल प्रलय से बचन का
लिये जहाज मे गया.





जब नूह की आयु का छे; सौवा साल
का दुसरा महीना का सत्रहवा दिन आयो;
उय दिन बडा गहरा समुदर का सब सोता
फुटी निकल्या अरु बद्दल का झरोखा खुली गया.





अरु बारीश चालीस दिन अरु
चालीस रात सदा पृथ्वी पर होती हि.




जल बढ़ते-बढ़ते पृथ्वी पर भोत ही बडी
गयो, अरु जहाज पाणी का उपर-उपर
तैरतो न्हियो.



पाणी पृथ्वी पर भोतही बडी गयो, यहा तक कि पुरी धरती पर जेत्ता बडा-बडा पहाड़ था, सब डूबी गया. जो-जो जमीन पर था उनमे से जेत्ता खे नथानहोन मे जीवन को श्वास थो, सब मरी मिट्या.



परमेश्वर ने नूह अरु जेत्ता जंगली जनवर अरु
घरेलू जनवर उनका संग जहाज मे था, उन सभी
सुदी ली; अरु परमेश्वर ने पृथ्वी पर हवा बोहइ,
अरु पाणी घटन लग्यो.






फिर असो हुयो कि चालीस दिन
का बाद नूह ने अपनो बनायो हुयो
जहाज की खिडकी खे खोली खे.
फिर नूह ने अपना पास से एक
कबूतरी खे भी उडय दियो कि
पाणी जमीन से घटी गयो कि नी.




अरु दूसरा महीना का सत्ताइसवा दिन खे पृथ्वी पूरी रीति से सुखी गय. तब परमेश्वर ने नूह से बोल्यो. "तु अपना लुगेन अरु बेटाहोन अरु बहुहोन समेत जहाज मे से निकली आ."



तब नूह ने परमेश्वर का
लिये एक वेदी बनैय,
अरु सब शुद्ध जनवर
अरु पशु खे लि खे
होमबलि चढायो.





फिर परमेश्वर ने
बोल्थो, “जो वाचा मी
तुम्हारा साथ, अरु जेत्ता
जिन्दा जनवर तुम्हारा
संग हइ उन सब का साथ
भी युग युग का पीडीहोन का साथ
बाँधुस हइ: ओको चिन्ह हइ.

कि मेने बद्दल मे अपनो
धनुष रख्यो हइ, उ मरा अरु
पृथ्वी का बीच मे वाचा को
चिन्ह हुये.”



“अरु जब मी पृथ्वी
पर बहल फैलायु तब
बहल मे धनुष दिखैइ
दिये. तब मरी जो वाचा
तुम्हारा अरु सब जिन्दा
आंगधारी जनवरहोन का साथ
बाँध्यो हइ, ओ खे मी याद कर्यु,


तब असो जल प्रलय फिर
नी हुये जेकासे सब
जनवरहोन को विनाश
नी होनको.”



फिर परमेश्वर ने नूह अरु ओका
बेटाहोन खे आशिर्वाद दि अरु उनका बोल्यो,
“फूलो-फलो अरु बडो अरु पृथ्वी मे भरी
जानु.” नूह का जो बेटा जहाज मे से
निकल्या, वे शेम, हाम अरु येपेत था;
अरु हाम कनान को बाप हुयो.

नूह का तीन भैइ ये
ही हइ,

अरु इनको कुल पुरी
पृथ्वी पर फैली गयो.



क्युकी परमेश्वर ने जगत से असो प्रेम रख्यो कि
ओने अपनो एकलौतो बेटो दि दियो, ताकि जो
कोय ओ पर विश्वास कर्येका उ नाश नी
हुइ खे पर अनन्त जिवन पाये.



रोमीयो 3:23 येकालिये कि सब ने पाप कऱ्यो हइ अरु परमेश्वर कि महिमा से ङ्हेस हइ,

रोमीयो 6:23 क्युकी पाप की मजुरी मरनो हइ, पन परमेश्वर को वरदान हमारो प्रभु मसीह यीशु मे आखरी जिवन हइ.

इब्रानीहोन 9:27 अरु जसो इन्सान का लिये एक बार मरनो अरु ओका बाद न्याय को होनो नीयुक्त हइ,

इपिसियो 2:8,9 क्युकि अनुग्रह ही से, विश्वास का वजेसे तुम उध्दारमील्यो हुयो हइ. येका करण तुम नी, यो परमेश्वर को वरदान हइ अरु यो काम होन को प्रतीफल नी हइ कि कोय घमण्ड कऱ्ये.

रोमीयो 10:9,10 की अगर तु अपना मुडा से यीशु खे प्रभु जानी, अंगीकार कर्हे अरु अपना मन से विश्वास कर की परमेश्वर ने उ मरन हुयो मे से जलायो, ते तु स्वतत्रता कर्यो जाये. विश्वास करणा से हम परमेश्वर कि धार्मीकता का सात सही रिस्ता मे से आस हइ अरु उध्दार मुडा से कबुल करणा से मुक्ती पास हइ.



यहून्ना 3:16,17 क्युकी परमेश्वर ने जगत से असो प्रेम रख्यो कि ओने अपनो एकलौतो बेटो दि दियो, ताकि जो कोय ओ पर विश्वास कर्येका उ नाश नी हइ खे पर अनन्त जिवन पाये. परमेश्वर ने अपना बेटा खे दुन्या मे येका लिये नी भेज्यो, कि जगत पर दण्ड की आज्ञा दे, पर येका लिए कि दुन्या ओका वजेसे उध्दार पाये.

1 यहून्ना 5:11-13 अरु वा गवइ या हइ कि परमेश्वर ने हम खे अनन्त जिवन दियो हइ, अरु यो जिवन ओका बेटा मे हइ. जेका पास बेटो हइ, ओका पास जिवन हइ अरु जेका पास परमेश्वर को बेटो नी, ओका पास जिवन भी नी. मे ने तुमखे जो परमेश्वर का बेटा का नाम पर विश्वास करस हइ येका लिये लिख्यो हइ कि तुम जाननु कि अनन्त जिवन तुम्हारो हइ.



उत्पत्ति 6 – 10

Storyline by: Edward D. Hughes

Illustrated by: Byron Unger, Lazarus,
and Alastair Paterson

Adapted by: M. Maillot, Tammy S.

Gowlan Bible (goj) ©The Word for the World International
and Gawlan Translation Samiti, Telkhar,
Maharashtra, India, 2025.

<https://www.bible.com/bible/4050/MAT.1.GNN25>

©2026 Bible for Children, Inc.

www.M1914.org

www.bibleforchildren.org

